

1. Ana Esowo limi nsol kpee

Go mbomannahb Esowo limi elbung abola ndi. Á gbo mbang lim ellennge. Á fere yaame ellennge, a ejanngere bo jol ejeje. Á ka ellennge mbing re efung. Á fere tob ka ejanngere mbing re atv.

Etoono efung behko á limi elbung. Etoono efung behko á tob limi ndi, a aya. Á kpe tob lim ajele, a nti fvfo. Etoono efung behko á limi njul, a ebareka. Etoono efung behko á limi nsahre, a nruk. Etoono efung behko á tob limi enyam behko fvfo. Á fere tob lim nnenlum, a nnenkal.

Owo á kehm bungu tong bo re, "Wahn ba bahke jo fili ejum ajehng ajehng ji m ma lim. M bahke jele abon, ruru go njini kpee." Ejum ajehng ajehng ji Esowo limi no n'nob.

2. Ana Esowo limi nne

Eji Esowo limi nne, á ka-e etohko ji elkpin. Owo nne kehm bele elkpin. Esowo kehm bahme etahngga go Iden. Á kehm tongo nne noo re, á jo kuuru etahngga jio. Esowo kpe bung re, "A li ma li nti kpee nyi li go etahngga, sehngem eti na ajehng ji ji. A l'fere li eti jio, a bahk kpoko."

Owo Esowo kehm kpe bung re, "M bahke limi nnenkal. A bahke jo kak nnenlum ebo. Bo ane abal bahke fere jol ajehng." Eji Esowo limi bo, bo jolo ebun ebun. Jol ndon joom filii bo.

3. Ana Esowo kame nne noo, a nkal ewe yehke go etahngga jio

Nnyo kehm bahbe nnenkal noo re, "Esowo tong-a re jen?" Nnenkal noo kehm faange re, "E l'li eti jia, e bahk kpoko." Nnyo kehm bungu re, "N nehm kpo, sehngem re eljolo ni, m bahke jolo ana Esowo. M bahk kahne ebi, fere kahn eno.

Owo nnenkal noo kehm bongo nkal eti go eti jio li, feere erik ka nlum ewe, tob li fvfo.

Bo li kan na, bo kehm soro kahn re, bo li ebun ebun. Eji bo wuku Esowo kp'bungu, yannggo etahngga, bo kehm beke biiri.

Eji Esowo ba no, ba nyehn ano, á kehm bahbe re, "Jen ji wahngge m ma lim ejum ana jia?" Nnenkal noo kehm faange re, "Nnyo nyi nehm-m no." Esowo kehm bungu tong nnyo re, "Mmon no nnenkal noo bahke jolo nnekv ewa. Wo bahke jo tohk-e go eselsel. Ye bahke wake esi eja." Esowo kehm tob bung tong nnenkal noo re, "Bahk-a jo y'yam, eji a kp'jele abon eba. A bahk-e nlum ewa woomo go elwo." Esowo kehm tob bung tong nnenlum re, "A bahke jo lim eltum t'tahne, kehm bele ji a bahke jo li."

Nnenlum noo bo jo lung-e re Adam. Nkal ewe bo jo lung-e re Iv. Esowo ka bo agunyam. Bo kpeem jol ebun ebun. Esowo kehm kame Adam, a Iv, yehke go etahngga jio.

4a. Abon ba Adam

Adam abola Iv, bo jele abon. Nne noko bo jo lung-e re Ken, noko bo jo lung-e re Ebel. Ken jolo mbahngbe. Ebel jolo mbaabebul. Efung abehng Ken kehm koko elu, song lim njom ka Esowo. Ebel ko nnyam tob song lim njom ka Esowo.